

## Takurda-o Burus ayoore-o o wu gene yan-dor Yeso n-me bo-o o-Korinti

### Rem-se ro n-me à:

M-zante 1:1-11

Burus un yan-dor Yeso ne n-me o-Korinti  
1:12—7:16

Goks m-yar remen yan-dor Yeso n-me o-Judiya  
8:1—9:15

Burus nomog ut-ma mosse un con-de un wu ne  
de ko-yan-Tom Yeso 10:1—13:10

Ur-kom 13:11-13

### Ur-Gas

<sup>1</sup> Be un de, Burus, mosse un **Timoti** or na ne, genbe ka takurda-o. Shir muute me **wan-Tom YesoKiristi** remen wu conog kaane.

Ha-mo un be-de un yan-dor o Shir ye ro n-me bo-o o-Korinti mosse kap un ye ro n-me un dak-o o-Akaya ne à.\*

<sup>2</sup> Me us-kon Shir Tato na un Wan-Koyan ne Yeso **Kiristi**, wu 'ye no m-yar un gwugwu-mo ur-hur ne.

### Burus bomog Shir

<sup>3</sup> A ya'as ur-bongon be-de Shir Tato-o Wan-Koyan na Yeso **Kiristi**. Wu ro Tato-o ur-'won un Shir o un gwu'urse ur-hur ne kap à. <sup>4</sup> Wu ro na gwu'urse ur-hur be-de un swo un koob-ur na kap, remen a hokste gwu'urse un hur-ut or na

\* **Bor-o gaan:1** 1:1 Hyen komo: Seng 18:1.

be-de un koob-de ye ro m-swo à, un ka gwu'urse ur-hur o Shir ya'u na ne à. <sup>5</sup> Untun bo a un swo ur-koob bo **Kiristi** swo à, kaane komo, remen a ro ye ma **Kiristi**, Shir ro na gwu'urse ur-hur un bu-o **Kiristi**. <sup>6</sup> Ko m-moka te m-swo ur-koob rem no, te gwu'ursutu no ur-hur, komo no sengete m-sheer un ka Shir-o gu no à. Urege ne gwu'ure-mo un hur un te doog, no ma gwu'ure-mo un hur-ur no a doo bo no he kum m-'wons mo m-dungune un ka swo ur-koob de no m-swo bo te swo à. <sup>7</sup> Komo dish-o te ro gung be-ur no. No swoog ur-koob deen bo te swo à, te nak komo unze Shir a gwu'ursu no ur-hur bo wua gwu'ursu te à.

<sup>8</sup> Or te ne, te conog no nep gon koob-de te swo un dak-o o-Asiya à. Ka swo ur-koob de nomog deen har te hyen sa o zee tea nom hoog á.† <sup>9</sup> Te un hoog ne, amba sa o zee a un piishe te ut-ma to woose m-mar à. Amba yo ka un kor remen taase te tor un beeb-de un hi un te, se de te tor be-de Shir, wu ro m-'yons un margan-ne à. <sup>10</sup> Shir ruutu te un ka mar-m yo-mo mo, te nak wua do te m-ruut komo ne. Be-de un wu o te ya'ase ur-beeb remen wua gu te. <sup>11</sup> Te conog no sengu te m-gu un bu-yo kon-se Shir. Nom no kaane remen hun-ne deen bumut Shir, remen wu shaks ka kon-se rem te.

*Burus ja'aste zonge-to  
un wu to ur-hew*

<sup>12</sup> Rii-yo ro te m-rwo m-gwon à: Yo ro hur un te kaps te á, de ro te m-rure unze te she'ette she'et-de un ba m-ku kop n-me un hono o-dak un

† **Bor-o gaan:8** 1:8 Hyen komo: 1Kor 15:32.

hur-ur gaan ṅe tɔ rwuṅṅe be-de Shir à. Yagunte ma she'et-de te she'ette un nɔ ṅe á. Man zee te nomog kaane n-me un o Shir. Te un nom kaane n-me kwum-o Shir, ba be-de un weer-se un hono o-dak á. <sup>13-14</sup> Te genu nɔ rii-yo noa hoks m-karante nɔ nep á. Komo um rwo'og ur-hur kanɛ o-co noa nep te bɔ depe à, kɔ nɔ nap te m-moka á. Ka da-de, da-de ho-de Wan-Koyan Yeso he m-muun à, noa nom m-gwon un te ne, bɔ te m-nom m-gwon un nɔ ṅe à.

<sup>15</sup> Um nak un kaane ne, o rwo'e um cunte m-habe be un nɔ ur-takan, remen nɔ kumut o-kwum o-yoor. <sup>16</sup> Um zongute um donte raago nɔ me ro m-ha dak-o o-Makidoniya um dond komo da-o me muune, remen um kumut gwu nɔ. Ka da-de noa hoks me m-tom ha-mo un dak-o o-Judiya.† <sup>17</sup> Nɔ m-hyan nɔ zee ¿me un nom tɔ ka zonge-to ba m-nap un yo me m-nom? ¿Kɔ ne nɔ m-hyan me un nom ka zonge-to n-me un barag-se ma-hun ne, remen da-o me zee “Ee,” um warag m-zee “Ay”?

<sup>18</sup> Bɔ Shir ro wan-ess ut-ma à, kaane komo ma-to te nomu nɔ à, ba tɔ un “Ee, tea nom yo ka” amba ne, “Ay” o te ut-ma á. <sup>19</sup> Remen **Wà-wu Shir** Yeso **Kiristi**, wu, me un SirasS ne un **Timoti** ne ruru nɔ ma-to un wu à, ba net-wu un “Ee” wu da-o wu ro ma-to un “Ay” á. Amba n-me un wu “Ee” o ho-ur bi.\* <sup>20</sup> Remen n-me un wu o Shir shooste kap ma-to wu surte o-nu à, n-me un Yeso **Kiristi** atte m-zee, “Ee” Kaane komo un

† **Bɔr-o gaan:16** 1:16 Hyen komo: Seng 19:21. § **Bɔr-o**

**gaan:19** 1:19 ut-Girik: Sirabanus. \* **Bɔr-o gaan:19** 1:19 Hyen komo: Seng 18:5.

cow-yo un wu atte m-zee, “**Amin**” remen seps-mo Shir. <sup>21</sup> Shir o un hi un de un o nomu te un no ne ragaan, sher no gung be-ur **Kiristi**, wu wu daage na komo. <sup>22</sup> Wu ru'uru na napa-o un wu unze na ye ma un wu ye. Wu ya'uru na Kukt-o un wu. Komo Kukt-o un wu ro na m-ese n-me un hur-ur na remen mo kutute na unze wua 'ye na rii-yo wu swore o-nu a.

<sup>23</sup> M-moka, yage um ruru te no yo hante um waksute hur un de um yagute m-dorbe raag-o no a. Yo ro, me dorbe raag-o no un bo-o o-Korinti, remen untaase um tepru no mosse un **ba'as-de** no nome ne a. Shir un hi un de un o nak unze ba bo-to um mette a. <sup>24</sup> Yanze te un con te garamse no bo no she'ete un bu-yo sher-m no a. Amba te conog te senge kang-o gaan un no ne, remen no nomot o-zak. Te con no m-gakte a, amba te conog m-hyan sher-m no kum m-'wons deen.

## Bor-us yoor

<sup>1</sup> Remen kaane um este un hur un de man do m-habe be un no um ru'ut no tuk-mo ut-men a. <sup>2</sup> ¿Urege um rwo'og no tuk-mo ut-men, wa kusse wu he me m-rwo um hogute o-zak? Amba no ye kusse, no ye um rwo'e tuk-mo ut-men a. <sup>3</sup> Yo hante um genbute no o ka takurda-o a, yo ro, remen me con da-o me habe um 'wos hun-ne ye depe ye ru me o-zak a, ye naas me ut-men a. Remen um nak da-de me nomu o-zak, no ma kap noa nom o-zak. <sup>4</sup> Me un genbu no, n-me un swo ur-koob un tuk-mo ut-men ne deen, har m-yish

ne deen. Yanze remen um ru'ut no tuk-mo ut-men á, amba remen no nept bo um wasse un no ne à deen.

*Soks ur-ba'as be-de un wu nome ur-ba'as à*

<sup>5</sup> Urege wu ken wu nomog rii-yo rwo'e hun-ne tuk-mo ut-men à, ba me wu rwo'e tuk-mo ut-men á. No ye wu rwo'e tuk-mo ut-men. <sup>6</sup> Koob-de ka net-wu swo un ka cow-yo be-de un ye ken ye be-ur no à, wooste wu kaane. <sup>7</sup> M-moka, depete no sokse wu **ba'as-de** un wu, no do wu jaab-o ut-men taase no yagu wu, har tuk-mo ut-men mo arag 'wons-mo un wu. <sup>8</sup> Remen kááne me no us-kon no kutu wu unze no m-was un wu ne deen. <sup>9</sup> Men genbu no ká takurda-o remen um gut, ko noa hoks m-she'et zongse no nom dorotte-o un ko yo ke rii-yo à. <sup>10</sup> Myet bon rii-yo wu cone um soksu wu **ba'as-de** un yo à, um soksute wu, komo **Kiristi** nepste um soksute wu de hur-ur gaan. Me un nom yo ka remen um guut no remen na cen na no a doot no mosse ur-hi komo un ka wu nome **ur-ba'as** ne à. <sup>11</sup> Taase **ko-Gwomo-wu un ya-ut-kot** wu kum keer-de wu hette na m-raks à, remen a nak weer-se un wu kap.

*Koob-de un rut-mo ur-hur de ma Burus n-me o-Toruwas*

<sup>12</sup> Da-o um ha bo-o o-Toruwas à um ko'ote **Matto m-Rerem** to ma **Kiristi** Yeso, um 'woste Wan-Koyan tiksute me ish um nomot senge-mo un wu káne. <sup>13</sup> Myet un kááne ne hur un de de rut á, remen me hyan or re Titus reno á. Remen

kaane ʉm zeeru ye se ho-ur hor-de, ʉm arguru ha-mo o-Makidoniya.\*

### *Re ur-ho ʉn bu-o Kiristi*

<sup>14</sup> Amba ur-bongon be-de Shir, wu ro na ʉn teke o-co koyanda à, te reeg ur-ho n-me ʉn Yeso **Kiristi**. Wu ya'ag na ur-beeb a rurut bo hun-ṅe he nap ʉn Yeso **Kiristi** à ko kene, untun now-mo m-shi'igin mo a taame à. <sup>15</sup> Remen na be-de Shir rii-yo m-shi'igin yo a ro, yo Yeso **Kiristi** tebbe Shir à, yo nekse be-de ʉn ka ye a ʉn gwu à, komo ʉn ye ro ne ʉn cow-yo m-sabre à. <sup>16</sup> Ye ro ʉn cow-yo m-sabre à, ka wus-o, wus-o m-mar o, o ro m-hante m-mar à. Amba be-de ʉn ka ye kume gwu à, shi'igin-mo ʉn hoog-mo. ¿Wu ken wu ro kon wu he hoks m-dek ʉn nu-se ʉn ka senge-mo? <sup>17</sup> Na ba untun ye ken hun-ṅe ye a ro á, ye ro m-rwor ʉn Ma-to Shir remen ye suut m-ho á. Kaane o be ʉn te á, bo te guw-ṅe **Kiristi** à, te nepste ʉnze Shir ro te o-gwot, te m-yoos o-nip ne ma-to Shir tomute m-rwor à.

## **Bor-ʉs tet**

### *Ya-m-senge-mo ʉn swor-o o-nu pu-o*

<sup>1</sup> ¿Te ʉn cir o bom ʉn hi ʉn te komo? ¿Ko ne te ʉn hoob-o ʉn takurda be-ur no ko rem no o he te m-su'e bo ye ken ye ro m-nom? <sup>2</sup> No ʉn hi ʉn no, no ye ro takurda-o te, o a gene ʉn hur-ur no à, remen kowan wu hyenet, wu karante komo. <sup>3</sup> No kutute hun-ṅe ʉnze no takurda-o **Kiristi** o, o ro suge-de ʉn senge-m na. Ka takurda-o ba a

\* **Bor-ʉs yoor:13** 2:12-13 Hyen komo: Seng 20:1.

un gen o un ce-yo m-gen á, amba a un gen o un **Kukt-o Shir** o un hoog. Ba un wur-o ut-ta'ar á, amba un hur-de un hun-ne.\*

<sup>4</sup> Te un rwor kaane remen te us-nap ne un co-o Shir un bu-o Yeso **Kiristi**. <sup>5</sup> Te un hi un te tett beeb-de un nom un ka senge-mo á. Yatt-wu he m-zee be un te **yan-Tom Yeso**, "Men baramse hoog-mo un ka hun-ne á." Shir ye yasu te ka beeb-de. <sup>6</sup> Wu rwo'e te hokste m-warag ya-m-senge-mo un swor o-nu o-pu o, ba o o-**karamsa** á, amba o o-Kukt. Ka **karamsa**-o ro m-ho, amba Kukt-o ro un 'ya un hoog.†

<sup>7</sup> A un gen **karamsa**-o **Mosa** n-te un wur-o ut-ta'ar, komo seps-mo Shir nomog mosse un ka seps-mo ne da-o a yase o à. Yanze ma ka cecar-mo ro un co-o **Mosa** à mo m-gos-mo á. Myet un kaane ka cecar-mo nomog deen har hun-ne ye o-**Isra** ye hoks wu m-tuwe un yish á. Urege yoos-de ro m-hante m-mar à haante m-seps ne kaane,‡ <sup>8</sup> ¿re o ka un ya seps-mo o-Kukt? Ká seps-mo o-Kukt mo a arag kaane. <sup>9</sup> Urege rii-yo ro m-hante m-mar à, kumug m-seps. Kaane o yo ro m-muut un net kashi be-de Shir à, aragte yo ur-hew ne. <sup>10</sup> O-nip, rii-yo ro m-seps ne n-ga à, yo kus m-seps ne m-moka á, urege a hongsite mo un seps-mo un swor-o nu-o pu-o ne. <sup>11</sup> Urege ka rii-yo ro m-gos á, haante m-seps ne, seps-mo un ka yo ro m-gos à, a jiish kaane.

<sup>12</sup> Remen kaane, bo a o-dish ne kaane à, o

\* **Bqr-qs tet:3** 3:3 Hyen komo: Rwuu 24:12; Irmí 31:33; Izik 11:19; 36:26. † **Bqr-qs tet:6** 3:6 Hyen komo: Irmí 31:31.

‡ **Bqr-qs tet:7** 3:7 Hyen komo: Rwuu 34:29.

hante ʉte ʉn jaab-o ʉt-men ne deen. <sup>13</sup> Te ba ʉntun **Mosa** o á, wu bite co-o ʉn wu ʉr-gund à, taase hun-ne ye o-**Isra** ye hyen ta-mo ʉn ka seps-mo ro m-gos á. § <sup>14</sup> Amba a birimsute hur-de ʉn ye. Har ha-mo ʉn ca ka gund-de rosu kane da-o ye ro m-karante ʉn swor o-nu ut à, a hoks m-hops ʉn ka gund-de cot ʉn bu-yo m-she ʉn **Kiristi**. <sup>15</sup> Amba har ca, koyanda o a karante takurda-o **Mosa**, ka gund-de ro ʉn hok ʉn hur-de ʉn ye. <sup>16</sup> Amba da-o wu ken wu waktunde be-ur Wan-Koyan, a hopsuru ka gund-de.\* <sup>17</sup> Wan-Koyan Kukt-o, komo be-de ʉn Kukt-o Wan-Koyan ro à, posse-m ro kon. <sup>18</sup> Te m-moka kap ye a bite co-ʉs te á, ro ʉn kute ʉn hun-ne seps-m Wan-Koyan ʉntun ʉr-madipi. Ka mus-mo, mo **Kukt-o Shir** mussu na à, mo ro m-do m-seps ha-mo m-seps mo rwuune be-ur Wan-Koyan à, wu ro o-Kukt à.

## Bɔr-ʉs nass

*Kwum-o Shir n-me wur-ʉt na  
to ro ʉntun ʉn tur-o ʉt-ba à*

<sup>1</sup> Remen kaane, te hus ʉr-hur á remen Shir ya'astu te ka senge-mo ʉn bu-yo ʉn 'won-de ʉn wu. <sup>2</sup> Amba a 'yer yo ro wukusse à, ka rem-se m'e se. Yatt-yo da te ʉt-raks ne, ko te nom ʉt-bo ʉn Ma-tɔ Shir á. Amba te m-rwor ʉn o-Shir m-how cas. N-me ʉn kaane kowan he m-su'e nip-o te ʉn co-o Shir n-me ʉn hur-de ʉn wu. <sup>3</sup> Urege **Ma-to m-Rerem** to te m-rure ʉn hun-ne ma-to ʉn to à

§ **Bɔr-ʉs tet:13** 3:13 Hyen komo: Rwu 34:33. \* **Bɔr-ʉs tet:16** 3:16 Hyen komo: Rwu 34:34.

wukusse tȳ rȳ, tȳ rȳ wukusse be-de ųn ye rȳ ųn cȳw-yo m-sabre à. <sup>4</sup> Ye sher be-de Shir á, remen wan-gwomo-tȳ ųn ka hȳno o-dak ȳ poosute hur-de ųn ye. Wų weneg ye, ye hyen m-cucas mȳ rȳ m-dakan n-te ųn hur-de ųn ye à, ka cucas-mȳ rȳ m-rwuun n-me ųn **Ma-tȳ m-Rerem** n-te ųn seps-m **Kiristi**, wų rȳ sha-mȳ Shir à. <sup>5</sup> Remen ba ma-tȳ ųn hi ųn te tȳ m-rwor á, amba tȳ ma Yeso **Kiristi** Wan-Koyan. Te ne guw-ne nȳ te rȳ rem Yeso. <sup>6</sup> Remen Shir, ȳ rwore, “Yage m-cucas mȳ dakante n-te o-comb,”\* Wų rwo'og cucas-mȳ ųn wų mȳ ma'as m-dakan n-te ųn hur ųn te, mȳ ye'et hun-ne m-cecas ye nept seps-mȳ Shir be-ųr Yeso **Kiristi**.

<sup>7</sup> Myet ųn kaane ne, na ye rȳ o-kwum o-Kukt ne à. Wųr-ųt na rȳ ųntun tur-ȳ ųt-ba, komo o-kwum o-Kukt ne tȳ rȳ n-me tur-ȳ ųt-ba. A ųn warag kaane remen a kututė ųnze Shir rȳ ųr-beeb ne, ba na á. <sup>8</sup> A te ųn ya-ųr-koob ųn kȳ yo ke cȳw-yo, amba myet ųn kaane ne, a hoks te rwo ųr-kyende ųn ka senge-mȳ á. ȳ ken da-ȳ te m-nom sa o zee te ruut ųr-hur, amba te ruut ųr-hur á. <sup>9</sup> A te m-rangse, amba Shir yagu te á. ȳ ken da-ȳ a te hogusse m-hoog, myet ųn kaane ne a hoks te m-sabarse á. <sup>10</sup> Koyanda te m-neke m-mar ne ųn wųr-ųt te mar-m Yeso, remen a kututė hun-ne hoog-m Yeso ųn wųr-ųt na. <sup>11</sup> Kap ȳ ųn ho-ųt na ųn hȳno o-dak a ųn kom-tȳ m-mar rem Yeso, remen a hyenet hoog-m Yeso ųn wųr-ųt na tȳ m-mar. <sup>12</sup> Remen kaane, mar-m mȳ m-senge be ųn te, remen nȳ kumut hoog.

<sup>13</sup> Gen-mȳ ųn Ma-tȳ Shir zeeg, “Um shereg,

\* **Bȳr-ųs nass:6** 4:6 Hyen komo: Taka 1:3.

remen kaane ɔ ʉm nomte ʉt-ma.”† Cinda a ʉn kukt-o gaan ne ɔ m-sheɾ, kaane te ma te m-sheɾ, remen kaane komo tette tep. <sup>14</sup> Remen te nak ʉnze ka wʉ 'yonse Wan-Koyan Yeso be-de ʉn m-mar à, wʉa 'yons te mosse ʉn Yeso ne, wʉ tabbu te mosse ʉn nɔ ne ʉn co-o ʉn wʉ. <sup>15</sup> Kap to ka remen nɔ ɔ, remen ka yar-mo, mo ro m-wɔ be-de ʉn hun-ne ʉt-moor ne. Moa ru bongon-de Shir, komo remen a sepsté wʉ.

### *Ur-she'et n-me m-sheɾ*

<sup>16</sup> Remen kaane, te ruut ʉr-hur á. Amba ʉrege wur-ʉt te ro m-sabre, myet ʉn kaane ne a ʉn muut ʉn kukt-o na ɔ o-pʉ ɔ ko de ke ho-de. <sup>17</sup> Remen ka koob-de a m-swɔ m-moka à, dea gos á. Dea heet na be-de m-seps mo ʉn ba m-ta. Mo arage nap-o ʉn net à. <sup>18</sup> Remen ba rem-se yish ro m-hoks m-hyan à, te tuwe yish á, se de ʉn rem-se a m-hoks m-hyan á. Remen rem-se a m-hyan à, se ro m-arag ba ʉn rem, amba rem-se a m-hoks m-hyan á, se ro m-arag á.

## **Bɔr-ʉs taan**

### *Wur-ʉt pʉ-to*

<sup>1</sup> Remen te nepse ʉnze ʉrege a wurumte ka hur-o te rotte ʉr-she'et n-me ʉn ɔ à, (wata wur-ʉt te, to ʉn ka hono o-dak ɔ), Shir ʉn hi ʉn de ʉn ɔ ɔa me te o-hur n-ton shir. Ka hur-o ba ʉt-kom a ma ɔ á. Komo ɔa she'et ba m-ta. <sup>2</sup> Kane ʉn hono o-dak a ʉn swɔ ʉr-koob. A ʉs-'yong remen gop-de m-ha n-ton ɔ Shir be-de Shir he na 'ya ʉn

† **Bɔr-ʉs nass:13** 4:13 Hyen komo: Bong 116:10 (ʉt-Girik).

wur-ʉt na ʉt-pʉ tɔ̀ à. <sup>3</sup> ʉrege ne a hɔkte te, a 'wos te ʉr-kor á. <sup>4</sup> Bɔ te ʉr-she'et n-me ʉn ka wur-o ʉn hono o-dak ò à, te ʉs-'yong remen a sutu te. Ba te ʉn cɔn te wonge ʉn ka wur-o te o ne o ʉn hono o-dak á, amba te ʉn cɔn te hɔkte wur-o pu-o n-Tɔn shir, remen rii-yo ʉn hoog-o ba m-ta yo hɔkte ka rii-yo yo rɔ m-mar myet à. <sup>5</sup> Shir ʉn hi ʉn de ʉn wʉ zongse na ka barme-mo, komo wʉ ya'ag na Kʉkt-o ʉn wʉ bɔ wʉ swore nu-o ʉn wʉ à remen wʉ kututé na yo wʉ he na m-nome kane o-co à.

<sup>6</sup> Remen kaane te rotte ʉn beeb-de ʉr-hur ne kɔ o ke da-o, komo te nepse ʉnze ʉrege de te rɔ o-hur ne ʉn ka wur-o ʉn hono o-dak o, tɔ, tett o-hur ʉn Wan-Koyan ne á. <sup>7</sup> She'et-de m-she tette, ba be-de ʉn rii-yo a m-hyan ʉn yish á. <sup>8</sup> O-nip, te rɔ ʉn beeb-de ʉr-hur ne, komo te jiishte m-cɔn te wonge ʉn o ka wur-o ne, te she'ete mosse ʉn Wan-Koyan ne Yeso n-Tɔn shir. <sup>9</sup> Arge koyan, te jiishte m-cɔn wʉ hoge rerem-m te, kɔ te rɔ n-me ʉn ka hono o-dak o kɔ n-Tɔn shir. <sup>10</sup> Nip-o, **Kiristi** a piishe kɔ wʉ ke net-wʉ ʉt-ma. Remen kɔ wʉ ke wʉa gɔks 'yons-de ʉn senge-mo wʉ nome ʉn wur-o ʉn wʉ ʉn ka hono o-dak ò à, kɔ mo ʉr-bon, kɔ komo mo ʉn ba ʉr-bon.\*

### *She'et-de ʉn hongse ʉn hun-ne*

<sup>11</sup> Remen te nepste gyɛr-o Wan-Koyan, o hante te rotte m-senge te nakante ye ken ye be-de Shir. Shir nepse bɔ te rɔ̀ à kap, komo me m-hyan nɔ nak tɔ̀ ka ʉn hur-ʉr nɔ. <sup>12</sup> Ba te m-cɔn te bum hi ʉn te ʉn co-o nɔ á, amba te nɔ m-'ya ʉr-hek

\* **Bɔr-ʉs taan:10** 5:10 Hyen komo: Roma 14:10.

nɔ nomot ʉs-ses ʉn tɛ, remen nɔ hokstɛ shassu ʉn ka yɛ rɔ ʉs-ses ʉn yo a m-hyan à ʉn sʉgɛ-de ʉn yo rɔ ʉn hur-de ʉn yɛ à. <sup>13</sup> ¿Tɛ ʉn zunge, bɔ yɛ ken yɛ zɛɛ? Kɔ tɛ zunge, tɛ m-nɔm remen seps-mɔ Shir. ʉrege komo ba zungo á, o ka rem nɔ o. <sup>14</sup> Koyan tɛ rɔ m-nɔm, tɛ yo m-nɔm ba remen hoog tɛ á, amba remen was-m **Kiristi** mɔ rɔ tɛ, m-gakte à. Remen tɛ shereg o-nip ʉnze **Kiristi** marag remen hun-ṅe kap, remen kaane hun-ṅe kap marag. <sup>15</sup> Wu marag remen hun-ṅe kap, remen yɛ rɔ ʉn hoog nɛ à, taase yɛ she'et she'et-de ʉn yo hur-de ʉn yɛ cone à. Se de yɛ she'et remen wu mare rem ʉn yɛ à, a 'yonstɛ wu komo remen yɛ.

<sup>16</sup> Remen kaane, kaane ʉn co a do m-gwɔt ʉn wu ken ʉn hyan-o ʉn net á, remen kɔ de nomte a ro ʉn gwɔt-o **Kiristi** ʉn hyan-o ʉn net, m-moka a do wu m-gwɔt kaane á. <sup>17</sup> Remen kaane, ʉrege net rɔ n-me ʉn **Kiristi**, wu waragte mat-o pu-o o ka, ka ut-o taag, m-moka kɔ yo ke rii-yo waragte o-pu yo. <sup>18</sup> To ka kap nom-mɔ Shir mɔ, wu ja'aste she'et-ʉr na ʉn wu nɛ ʉn bu-o Yeso **Kiristi**. Komo wu ya'uru na senge-mɔ ʉn ja'as ʉn she'et-de ʉn yɛ ken yɛ ʉn wu nɛ. <sup>19</sup> ʉnze Shir rɔ m-ja'as ʉn she'et-de ʉn hun-ṅe ʉn wu nɛ ʉn bu-o **Kiristi**, Shir rɔ m-sak ʉn **ba'as-de** ʉn hun-ṅe ʉn hi-de ʉn yɛ á. Wu ya'aste na senge-mɔ ʉn ja'as ʉn she'et-de ʉn hun-ṅe ʉn wu nɛ. <sup>20</sup> Remen kaane, tɛ m-esse ʉn **Kiristi** sa o zee Shir ʉn hi ʉn de ʉn o rɔ ut-ma n-me ʉn tɛ. ʉn jin-ʉr **Kiristi**, tɛ nɔ ʉs-kon nɔ ja'as she'et-ʉr nɔ ʉn Shir nɛ nɔ warag nay-ṅe yɛ ʉn wu, yanze yan-yage-to ʉn wu á. <sup>21</sup> Yeso **Kiristi** cet nom **ur-ba'as** á! Amba

**ba'as**-ʉt na Shir sawsɛ wʉ. ʉn kaane ɔ, n-me ʉn Yeso **Kiristi**, a hoks she'et ʉn she'et-ʉr kashi be-de Shir.

## **Bɔr-ʉs cind**

<sup>1</sup> Be-de ʉn sɛnge-m na mɔsse ʉn Shir ne, tɛ konog nɔ, taase nɔ gɔks yar-mɔ Shir, nɔ muut mɔ hwaa. <sup>2</sup> Hɔgʉ nɔ yo Shir zɛɛ à, “ʉm hɔgʉsʉtɛ nɔ ʉn hohond-mɔ o-da.

Da-o hɔ-de ʉn gwʉ wɔɔne, ʉm guug nɔ.”\*  
Hɔgʉ nɔ! ɔ ka ɔ rɔ da-o nɔ he gɔks ʉn kwʉm-o Shir, caane ɔ hɔ-de ʉn m-posse!

### *Swɔ ʉr-koɔb de ma Burus*

<sup>3</sup> Tɛ cɔn wʉ ken wʉ kum rii-yo ʉr-pʉksɛ ʉn sɛnge-m tɛ á. Remen kaane, tɛ rwɔ rii-yo ʉr-pʉksɛ ʉn cɔw á. <sup>4</sup> Amba ʉn hek-de ʉn kaane, kap yo tɛ m-nom à, tɛ yo m-nom remen tɛ kututɛ hun-ne ʉnze tɛ ya-m-sɛnge-mɔ Shir yɛ. Tɛ m-nom kaane n-me ʉr-joose, ʉn swɔ ʉr-koɔb ne, m-rangse ne, myet ʉn kɔ de ke swɔ ʉr-koɔb de. <sup>5</sup> A bu'ug tɛ m-dum, a ru tɛ n-me ʉn kuke-o m-ke'et, komo a hoogʉsʉ tɛ m-hoog ʉn 'yons ʉr-hur ne; tɛ nomog sɛnge-mɔ arage 'wɔns-m tɛ à, tɛ taagʉtɛ m-rew komo tɛ rewe ʉn mer.† <sup>6</sup> N-me ʉn she'et-de ba m-kukɔp, ʉs-nap ne se tɛ rotte à, ʉn 'mɔ ʉr-hur ʉn gu hun-ne ne, tɛ kututɛ ʉnze tɛ yan-sɛnge-mɔ Shir yɛ be-de ʉn **Kukt-o Shir**, komo m-was ne mɔ o-nip. <sup>7</sup> Be-de m-rwɔr ʉn ma-ʉt tɛ tɔ o-nip, beɛb-de Shir rɔ m-sɛnge n-me ʉn tɛ. Kashi ʉr-she'et rɔ ʉntʉn saw-tɔ ʉr-gʉn ʉn tɛ, ʉn

\* **Bɔr-ʉs cind:2** 6:2 Hyen komo: Isha 49:8. † **Bɔr-ʉs cind:5** 6:5 Hyen komo: Seng 16:23.

kom-o ʉr-re ʉr-kwanta ʉn te ne. <sup>8</sup> A te m-seps, a te komo ne m-yo'og, a te bɔm, a te komo ne ʉt-reeb. A mustu te ya-ʉt-bɔ, myet ʉn kaane ne, te m-rwor o-nip. <sup>9</sup> Sa o zee a nap te á, a nepstu te ne ʉr-bon ne, ʉntʉn ye ro ʉn kom-to mar à te ro, te ka ne ʉn hoog ne, a te m-'ya ʉr-koob, amba a ho te á, <sup>10</sup> N-me ʉn naase-mo ʉt-men, te ʉn kum rii-yo o-zak. Ko de nomte tett rii á, kap ʉn kaane ne, rem te hun-ne deen kumug rii be ʉn te, sa o zee tett rii á, amba koyan yo ma te yo.

<sup>11</sup> Te rurutu no ʉt-ma ʉr-hur sak no Korinti-ne, komo te upsutu no hur-ʉr te cas. Te wuke no yo ken á, komo te kutute no ʉnze te waste ʉn no ne deen. <sup>12</sup> Ay, te yage no á, no ye yage ho'os ʉr-hur no goks te. <sup>13</sup> Me ʉn ka ma-to ʉn no ne bo tato-o ro ʉn nome ʉn yakar-ye ʉn wu à. No ʉn cen no, kutu te no was-m no.

*No mosse ʉt-hi ʉn  
ye ro yan-dor Yeso ne á*

<sup>14</sup> No mosse ʉt-hi ʉn hun-ne ne ye ro ʉn dor o Shir á. ¿Kashi ʉn net a hoks m-she'et ba ʉt-ween ʉn net yo-wu ne? ¿Ko ne ya mosse m-cucas o-comb ne? <sup>15</sup> ¿Ya mosse **Kiristi** ʉn **ko-Gwomowu ʉn ya-ʉt-kot**‡ ne? ¿Ko ne ya mosse wan-dor o Shir ʉn wu ro ʉn dor o Shir ne á? <sup>16</sup> ¿Ya mosse **Pyo-o Shir** ʉn pyo-o m-gir ne? Na **Pyo-o Shir** o, o ʉn hoog. Bo Shir zee à, “Man she'et mosse ʉn ye ne, ʉm tuwe n-me ʉn ye. Man warag Shir o ʉn ye, ye komo ya warag hun-ne re.”§

<sup>17</sup> “Yawe zeeg kaane,

---

‡ **Bɔr-ʉs cind:15** 6:15 ʉt-Girik: Beriar. § **Bɔr-ʉs cind:16** 6:16 Hyen komo: 1Kor 3:16; 6:19; Rewi 26:12; Izik 37:27; Irmu 32:38.

Remen kaane, se nɔ rwuun be-de un yan-ba un dor,

nɔ wongse hi un nɔ un ye ne,

Taase nɔ ci rii-yo m-kukop,

un kaane um he nɔ m-goks.”\*

18 “Yawe, wu rɔ Wa-ut-Gwomo kap à,

wu zee yo ka:

Man warag Tato nɔ,

nɔ komo nɔa warag yakar re campo-ne un ne'a-ne ne.”†

## Bɔr-ʉs ta'yoor

1 Or re ne, ye me m-was à, cinda a esute na ut-ma à, yage a esste hi un na ba m-kukop, be-de kap rii-yo he m-rwo o-wur ur-hur ne nom ba m-kukop á. Yage komo a waragte shiishe ba m-kukop n-me ur-she'et de un gyer-o un Shir.

*Burus nomog o-zak remen  
ya-o-Korinti waktunte be-de Shir*

2 Kutu nɔ te unze nɔ te m-was un hur-ut nɔ. Te nome ko net gaan **ur-ba'as** á, komo te naas ko net gaan á, yagunte a zet te reeg ra-o un wu ken. 3 Ba **ba'as-de** me nɔ m-sakke remen um zee kaane á. Bɔ um ruru nɔ n-ga à, unze nɔ un hur-ur te, yatt rii-yo he na m-hoks m-wongse á, ko n-me m-mar ko m-hoog. 4 Um ho'oste ur-hur sak un nɔ ne, me komo m-gwon un nɔ ne. Hur un de kumug jaab deen. Kap un koob-de a swo ne à, um rɔ o-zak ne deen.

\* **Bɔr-ʉs cind:17** 6:17 Hyen komo: Isha 52:11; Izik 20:34,41.

† **Bɔr-ʉs cind:18** 6:18 Hyen komo: 2Sam 7:8,14; 1Nom 17:13; Isha 43:6; Irimi 31:9.

<sup>5</sup> Remen da-o tɛ wɔɔ o-Makidoniya à, ka wɔr-o tɛ ɔ kum ʉr-wuwe á. Kɔ kene tɛ ha, hwu'us-de zak, ʉt-ween ʉn ye ken ye ne, o-gyer ne n-me ʉn hur-ʉt tɛ.\* <sup>6</sup> Amba Shir, ɔ rɔ ʉn gwu'urse ʉn hur-de ʉn ye rotte jaab-o ʉt-men á, haan-m Titus hur-ʉt tɛ gwu'ursute. <sup>7</sup> Ba remen haan-mɔ ʉn wu temb mɔ rwo'ʉ tɛ o-zak á, amba ma-to wu ruru tɛ à. Bɔ nɔ do wu jaab-o ʉt-men à. Wu rurute tɛ ʉnze nɔ ɔnɔg hyan-m re deen, komo ʉn bɔ nɔ nome tuk-mɔ ʉt-men à, ʉn rii-yo kore à. ʉn bɔ nɔ nome m-senge nɔ guut me à. Yo ka yo rwo'e zak-o re aragte ɔ n-ga deen.

<sup>8</sup> Kɔ ʉm ru nɔ tuk-mɔ ʉt-men, me was á. N-ga ʉm ro nomog tuk-mɔ ʉt-men, remen ʉm hyanag ká takurda-o ʉm tomonte nɔ n-ga à, ɔ naaste men-ʉt nɔ, kɔ de nomte ya o-da hiin. <sup>9</sup> ʉn kaane m-moka ʉm rɔ o-zak ne. Kɔ de nomte me hoge rerem-mɔ ʉn bɔ ʉm naase men-ʉt nɔ á, amba naase-mɔ ʉn men-ʉt nɔ rwo'og nɔ waktunte be-de Shir. Remen nɔ nomog tuk-mɔ ʉt-men bɔ Shir ro ɔnge à, remen kaane tɛ nomo nɔ **ur-ba'as** á. <sup>10</sup> Tuk-mɔ ʉt-men mɔ ʉn ko-hun rɔ net m-woot be-de m-mar. Amba gon mɔ Shir rɔ m-rwo net m-waktune be-de Shir, ʉn kaane komo a kum gwu. Komo wanakke-o a do m-kus á, remen Shir sokste **ba'as-to** ʉn ye. <sup>11</sup> Gwot nɔ nɔ hyen rii-yo naase-mɔ ʉt-men gon mɔ Shir mɔ wu rwo'e ʉn men-ʉt nɔ à, yo mɔ haantu nɔ à. Mɔ rwo'og nɔ gop-de ʉn nom ʉn rii-yo a ɔne nɔ nom à. Nɔ ɔnɔg me m-kute ʉnze nɔ nomog rii-yo ʉr-bon. Mɔ rwo'og nɔ nom ʉs-ryaab, komo nɔ hoge o-

---

\* **Bɔr-ʉs ta'yoor:5** 7:5 Hyen komo: 2Kor 2:13.

gyer. Mɔ rwo'og nɔ rwo ʉr-hur, komo nɔ nom m-senge. Mɔ rwo'og nɔ m-zonge. Mɔ rwo'og nɔ m-she'et zongse nɔ hyen a ya'ag nɔ koob-de rege á. N-me ʉn ka orom-to n-me ʉn ko yo ke cow-yo nɔ kutute me ʉnze nɔ m-neke ʉn cow-yo ʉr-bon. <sup>12</sup> Da-o ʉm m-genbe nɔ ká takurda-o à, me was ko-wan-wu nome **ur-ba'as** á, ko ka wu a nome **ur-ba'as** à. ʉn hek-de ʉn kaane me ʉn gen remen ʉm kututú nɔ cas cas ʉnze Shir nak ʉnze nɔ ho'oste ʉr-hur ʉn te ne deen. <sup>13</sup> Ka rem-se kap rwo'og te jaab-o ʉt-men.

Mosse ʉn o ma te jaab-o ʉt-men o ne, har caane te doog kum o-zak deen remen zak-o Titus ro ʉn o ne à, remen nɔ kap nɔ rwo'og ʉt-kom n-me ʉn ka jaab-o ʉr-hur o wu kume à. <sup>14</sup> Remen ʉm be'este ʉm rʉssute wu ʉnze me m-gwon rem nɔ, nɔ ru me m-'e á. Remen kap yo te rure nɔ à nip-o, remen kaane gwon-m te mosse ʉn nɔ ne be-ur Titus shiig o-nip. <sup>15</sup> Was-mo Titus ro nɔ m-was à mo ro m-do deen, kap da-o wu bakse dorotte-o nɔ kap, ʉn gon gos-to nɔ kute wu da-o nɔ gokse wu à. <sup>16</sup> Me o-zak m-moka remen ʉm ho'oste ʉr-hur ʉn nɔ ne sak.

## Bɔr-ʉs eer

*Kamas nɔ hwɔr remen yan-dor  
ʉn dak-o o-Judiya*

<sup>1</sup> Or re ne, m-moka komo te conog nɔ nep rii-yo yar-mo Shir nome n-me ʉn yan-dor ye Shir n-me ʉn dak-o o-Makidoniya. <sup>2</sup> Ye swoog ʉr-koob deen remen ye cowog o-range ʉn kom-to ʉn ye ro dor á har de warag ye o-zak. Komo de ru ye ken ye ya

ɔn caari-mo m-yar sak, ko de nomte ye ro n-me  
 ur-koob à. <sup>3</sup> Um nak unze ye ya'aste bo un 'wons-  
 mo un ye, har ma arage kaane. Ye nomog kaane  
 un con-mo ur-hur ba remen a un gaktute ye á.  
<sup>4</sup> Ye konog te, te 'ye ye o-cow ye huut ut-kom be-  
 de un senge-mo un gu un yan-ba-m-kukop n-me  
 un dak-o o-Judiya.\* <sup>5</sup> Ye ya'aste arge yo te hwo  
 yea ya'as à. Ur-takan, ye ya'aste hi un de un ye  
 be-ur Wan-Koyan, ka da-de ne ye ya'asuru hi un  
 de un ye be un te, bo Shir cone à. <sup>6</sup> Un hyan-  
 o un kaane, te konuru Titus wu he co, wu buse  
 un morogse un ka yar-mo un con-mo ur-hur mo  
 be-ur no, bo wu takne à. <sup>7</sup> Amba bo no re co be-  
 de un koyan à, be-de m-sheer, be-de un rwor ut-  
 ma, be-de un nap-se Shir, ko n-me m-senge, komo  
 m-was ne mo no wasse un te ne à. M-moka, te  
 conog no do m-ya'as un hwor no remen ka ye ro  
 un swo ur-koob un dak-o o-Judiya.

<sup>8</sup> Ba me un gakte no o á, amba de me no m-  
 kute bo ye ken ye ro m-nom m-senge à. Yo ka he  
 m-kute un gon was-mo no rotte un or no ne à.  
<sup>9</sup> Remen no nepse yar-m Wan-Koyan Yeso **Kiristi**  
 rem na. Ko de nomte wu ro un ko yo ke rii-yo ne  
 à, myet un kaane ne, wu waragte ko-koob rem  
 no. Remen ko-koob-wu wu warge à, o rwo'e no  
 kumut ko yo ke rii-yo un co-o Shir.

<sup>10</sup> Ma-to um he no m-'ya à to ká: A jiish ur-  
 bon no kom rii-yo no takne un hak-o arge à, ba  
 no un ya cot à, ay, no un hwo ur-hur komo no  
 nomot kaane. <sup>11</sup> Buse no ka senge-mo hur-ur no  
 takne à, nom no bo un 'wons-m no he m-hoks

\* **Bɔr-ɔs eer:4** 8:1-4 Hyen komo: Roma 15:26.

à. <sup>12</sup> Urege hwo ɔr-hur de m-'ya ro kon, Shir a hɔge m-rerem, urege no ya'aste bo un 'wons-m no. Shir con no ya'as rii-yo 'wons-m no wo á.

<sup>13</sup> Ba me un con um hebe ye ken ye us-nu á, ka da-de ne um dooru no us-nu á. Amba me un zee kaane remen a wongte ka senge-mo hond hond bo depe à. <sup>14</sup> Se no gu ye m-moka bo no un o-cow yo un gwu ne à. No komo da-o no taage un yo ken rii-yo, ye komo ye ro un yo ne, yea gu no. Un kaane koyan he m-nom hond hond. <sup>15</sup> Gense yo ro: "Wu morogse deen à, ka yo wu morogse à, yo arag 'wons-mo un wu á. Wu morogse hiin à, ka hiin yo wu morogse à, yo kendu wu á."†

*Titus un nay-ne ye un wu ne*

<sup>16</sup> Amba ɔr-bongon be-de Shir, o rwo'e Titus dekt un hur-de un wu, con-mo un wu guut no, untun bo um ro conge à. <sup>17</sup> Remen Titus wu un dek wu habute be un no remen te konog wu á, amba wu robe be-ur no untun bo wu esse ɔr-hur à. <sup>18</sup> Tea tombe mosse un wu ne, un ka heno-o ne wu ru ɔr-jin à, be-de un kap yan-dor remen ko'ot-mo un wu mo un **Ma-to m-Rerem** to Shir. <sup>19</sup> Arge kaane ma, yan-dor ye Shir dak wu remen wu ma'aste m-neke mosse un te ne. Tea kamas yar-mo un hwor be-de un **yan-dor Yeso** remen yan-dor ye o-Urusharima. Te un nom kaane remen te ya'aste ɔt-gos be-de un Wan-Koyan un hi un de un wu komo remen te kutute unze te ru'uste ɔr-hur te guut hun-ne. <sup>20</sup> Te o-gyer taase wu ken wu kum gom-de ɔr-reeb be un te n-me un bo te m-nekette un ka yar-mo a ya'asu te mo

† **Bɔr-ɔs eer:15** 8:15 Hyen komo: Rwu 16:18.

ʉn ɔn-mo ʉr-hur à. <sup>21</sup> ɔn-m te te nomot yo jiiſhe m-bon à, ba ʉn co-o ʉn Wan-Koyan cot á, amba har ʉn co-o ʉn hun-ne.‡

<sup>22</sup> Komo te m-tombe ʉn ye ne, heno te ka wu te megre te hyen bo wu esse ʉn hur-de ʉn wu n-me ʉn rii ʉn hon ʉn hon à. M-moka komo wu ho'oste ʉr-hur ʉn no ne, wu conog wu ru ʉt-kom deen. <sup>23</sup> Baks no ʉnze Titus, ko-nay-wu m-senge wu, me ʉn wu ne te ʉn ka senge-mo rem no. Ka ye no hyane mosse ʉn wu ne à, yan-dor ye Shir ye tombu ye, senge-mo ʉn ye ro m-hante m-seps be-ʉr **Kiristi**. <sup>24</sup> Remen kaane kutu no ka hun-ne ye kap gon was-m no ʉn rii-yo hante te rotte ʉn uku o-cin rem no à, remen yan-dor ye hyenet.

## Bɔr-ʉs jero

<sup>1</sup> Ba se ʉm gendute no ma-to ʉn gu ʉn yan-dor ye Shir o-Urusharima á. <sup>2</sup> Remen ʉm nak no este ʉr-hur no guut, har me ʉn uku o-cin remen kaane be-de ʉn hun-ne ye o-Makidoniya. Me ye m-rure no hun-ne ye o-Akaya no zongsute m-yar ne cin ʉn monce. Go ʉn ka ine-mo no ine eso à, mo rwo'og ye ma ye inute. <sup>3</sup> Amba me ka m-tombe ʉn or re ne, taase uku cin-o te rem no warag hwaa. Amba no ma'as zongse bo ʉm russe ya-o-Makidoniya ʉnze no zongse à. <sup>4</sup> Remen urege ʉm habute mosse ʉn ye ken ya-o-Makidoniya ye ne, taase ye 'wos no ba m-zonge, har te taage ʉn rii-yo m-zee, myet-m na a hoge m-'e remen te ukse o-cin ʉn no ne. <sup>5</sup> Remen kaane o ʉm hyente a nom ʉr-bon, me tombe or re ne ye

‡ **Bɔr-ʉs eer:21** 8:21 Hyen komo: Swoo 3:4 (ʉt-Girik).

hyen nɔ rii-yo ʉm habute, remen nɔ morogsutɛ rii-yo nɔ zee nɔ he m-ya'as à, a 'wos yo zongse. Kaane he m-kute ʉn hun-ne ʉnze ʉn con-mo ʉn hur-ʉr nɔ o, nɔ ya'aste, ba a ʉn gakte nɔ o á.

*M-go ʉr-hur sak*

<sup>6</sup> Baks nɔ yo ká: Net-wu go'e hiin à, wua ce hiin; amba wu go'e deen à wua ce deen. <sup>7</sup> Ko wu ke net-wu, wu ya'as bo wu esse ʉn hur-de ʉn wu à, ba mosse ʉn naase-mo ʉt-men ne á, ko wu a gakte à. Me ʉn zee kaane remen Shir ro m-con ʉn wa-m-ya'as ʉr-hur sak. <sup>8</sup> ʉn yar-mo Shir, Shir a hoks nɔ m-'ya kap rii-yo he nɔ m-gu ʉn hoog-m nɔ à, remen ko o ke da-o ʉn ko yo ke rii-yo nɔ kumut kap rii-yo nɔ o-hoob à, har arge kaane, remen nɔ nomot ko mo ke senge-mo ʉr-bon ne. <sup>9</sup> Bo ro gense ʉn Ma-to Shir à: “Wu ya'ag koob-ne, ʉr-hur sak.

Kashi ʉn senge-mo ʉn wu moa te á.”\*

<sup>10</sup> Me ʉn zee kaane remen Shir o ro m-'ya ʉn ko-wa-ʉr-go go wu goot, komo o ro m-'ya ʉn rii-yo m-re. Remen kaane, Shir a 'ye nɔ go remen nɔ goot, wu ro m-rwo go rotte m-bo'osse, har nɔ ceeru deen remen kashi-m senge-m nɔ mo m-yar.† <sup>11</sup> A muut nɔ ya-o-kwum ʉn ko yo ke cow-yo remen nɔ ma'aste m-'ya ʉr-hur sak ko o ke da-o a hoobe be-ʉr nɔ. ʉn cow-o te senge-mo ʉn yar-m nɔ a warag mo ʉn bongon-de Shir.

<sup>12</sup> Remen ka senge-mo m-yar mo notte à, ba yan-dor ye temb nɔ ro m-gu á, amba ro m-kaprunde har m-do ʉn cow-se ʉr-bongon be-de

\* **Bor-ʉs jero:9** 9:9 Hyen komo: Bong 112:9. † **Bor-ʉs jero:10** 9:10 Hyen komo: Isha 55:10.

Shir. <sup>13</sup> Remen ka s̄enge-m̄o n̄o rwunt̄ut̄e hi ṅn n̄o cas, hun-ṅe a b̄um Shir remen dor̄otte-o n̄o. N̄o gok̄st̄e ka **Ma-t̄o m-Rerem** t̄o, t̄o ma **Kiristi**, komo remen yar-m̄ n̄o b̄o n̄o w̄onge ṅn ye ṅe komo ṅn k̄o w̄u ke ṅe à. <sup>14</sup> Be-de ṅn k̄on-se ṅn ye be-de Shir, ye ma'as n̄o komo m-kone ṅs-barag n-me ṅn hur-de ṅn ye remen ka yar-m̄o aragte m-cep, m̄o Shir nomo n̄o à. <sup>15</sup> A 'ye n̄o Shir ṅr-bonḡon remen ka yar-m̄o, yar-m̄o arge beeb-de ṅn cep ṅt-ma à.

## B̄or-ṅs op

### *Burus ko-yan-T̄om Yeso w̄u o-nip w̄u*

<sup>1</sup> M̄e Burus, m̄e n̄o ṅs-k̄on ṅn hi ṅn de, m̄e w̄u a m-zee, *Yan-gwegwer-m̄o ṅr-hi, ṅr-'won ṅe ṅntun m̄o ma Kiristi* ṅrege m̄e be-ṅr gaan ṅn n̄o ṅe à. Amba hun-ṅe r̄o m̄e m-aag *Wa-m-ciiz*, ṅrege m̄e mos̄se ṅn n̄o ṅe á. <sup>2</sup> M̄e n̄o ṅs-k̄on, taase n̄o gakt̄u m̄e ṅm suu n̄o da-de m̄e habe, remen ṅm nak man hoks su'e ka ye r̄o m-zee ṅnze rii-yo t̄e m-nom à, rem-se ma-hun se. <sup>3</sup> T̄e ṅr-she'et n-me ṅn hono o-dak, amba t̄e dum ṅr-ḡun b̄o hono o-dak r̄o m-dum á. <sup>4</sup> Remen saw-t̄o ṅr-ḡun ṅn t̄e ba gon t̄o hono o-dak t̄o á, t̄o ṅn beeb-de Shir t̄o, t̄o tette m-naas ṅn saw-t̄o ṅr-ḡun t̄o m-'wons t̄o ṅn yan-yage-ṅt na. <sup>5</sup> T̄e m-sabarse ṅn s̄une-m̄o ṅt-ma kap ṅn rii-yo he m-wen hun-ṅe nap ṅn Shir ṅe à, m̄en yoose ṅn hun-ṅe ye 'ke barag-se ṅn ye ṅs-yo-se, sa o zee se r̄o be-de m-ke'et, remen ye hokst̄e nome ṅn **Kiristi** o-dor̄otte ṅn b̄u-yo ṅn barag-se ṅn ye. <sup>6</sup> Da-o n̄o nome o-dor̄otte b̄o depe

à, tɛ zongse tɛ ye'et kɔ wɔ ke ʉr-koob wɔ yage m-nom o-dorotte à.

<sup>7</sup> Gwot nɔ rii-yo rɔ cas à! ʉrege wɔ ken zeege wɔ, wɔ ma **Kiristi** wɔ, yage ka net-wɔ ja'aste nom ʉs-barag, wɔa nep ʉnze tɛ ma ye ma **Kiristi** ye. <sup>8</sup> Kɔ me uke o-cin remen ka gwomo-to Wan-Koyan ya'u tɛ à, ka gwomo-to remen tɛ bo'osutu nɔ o, ba remen tɛ sabarsute nɔ á. Remen kaane, yatt-wɔ he me m-rwo m-'e á, be-de ʉn kute ʉn hun-ne ʉnze Yeso wɔ 'ya me ʉt-gwomo á. <sup>9</sup> Me con nɔ hyen sa o zee gyer-o me nɔ m-'ya á be-de ʉn takurda-to me nɔ m-genbe á. <sup>10</sup> Remen ye ken ye rɔ m-zee, "Takurda-ʉt Burus to rɔ ʉs-nu ne ʉr-beeb ne, amba ʉrege wɔ rɔ be ʉn na ʉn hi ʉn de ʉn wɔ, wutt tep-o ʉr-beeb á, komo ma-to ʉn wɔ ba rii-yo á." <sup>11</sup> Yage gon ka hun-ne ye, ye nept yo ka: Yo tɛ zee n-me ʉn takurda-ʉt tɛ à, tɛ rokne á, ka tɛ he m-nom da-o tɛ ro be-ʉr nɔ.

<sup>12</sup> Tɛ bo'os tɛ hongsutɛ kɔ tɛ dekt hi ʉn tɛ ʉntun hun-ne ye rɔ m-hyan ye zee ye aragte kɔ wan á! Ka hun-ne ye, ye rɔ m-hongse hi ʉn de ʉn ye ʉn or re ʉn ye ne, komo ye rɔ ʉn hoob-o ʉn wɔ jiishe à n-me ʉn hi ʉn de ʉn ye, ye nep ʉnze ye rott ʉs-weer á. <sup>13</sup> Tea uk o-cin arge gwomo-to Shir ya'u tɛ á, se de tɛ uk o-cin ʉn ka gwomo-to Shir essutu tɛ remen tɛ ko'ottɛ **Ma-to m-Rerem** à, ka gwomo-to wooste har be-de nɔ rɔ à. <sup>14</sup> Me ʉn uk o-cin ʉn raag-o Shir ya'u me ʉr-keer ʉm nomot m-senge á. Rii-yo yan-gin ʉn ma-ʉt re zee mosse ʉn taage-o ʉn gwomo-ʉt re ne to ʉn kaane a rees m-warag o-nip me ro haante raag-o nɔ á. Amba nip-o rɔ kon á remen ʉm hantute nɔ **Ma-to m-Rerem** o ma **Kiristi** rii-yo ye hantute. <sup>15</sup> Komo tɛ

pas be-de a zēē tē á, un uk o-cin un sēņe-mō yē ken yē nōmē á. Amba tē m-hwō ur-hur, sher-m nō a he co, remen ma-de un sēņe-m tē n-mē un nō sēņgūtē m-dō deen. <sup>16</sup> Urege nō nomog kaane, ka da-de tea hoks m-ko'ot un **Ma-to m-Rerem** un tō ken dak-tō n-co nō. Remen tē cōn uku o-cin un sēņe-mō wū ken wū rege wū nōmē un be-de a rwo'e wū à. <sup>17</sup> Amba "Kap wū he uku o-cin n-mē un yo ken rii-yo à, wū uku o-cin un rii-yo Yawe nōmē à."\* <sup>18</sup> Mē un zēē kaane remen ba wū rō bōm un hi un de un wū, wū wū a un ho'os ur-hur un wū nē á, amba wū Wan-Koyan rō m-bōm à.

## Bōr-ūs op o-gaan

*Burus un yan-Tom Yeso ne ye ut-bo*

<sup>1</sup> Mē o-saktō nōa dūņgūņe un mē nē da-o mē zēē tō ken ma-tō hiin sa o zee mēn bōm un hi un de untun bō ko-raag rō m-nom ā. Sē nō dek mē kaane! <sup>2</sup> Mē ur-shoob rem nō, gōn shoob-de m-was de Shir rō nō m-nōmē à. Um surūtū nō o-nu un campō gaan, **Kiristi**, remen um ji'ittē nō ūt-ge be-de un wū ba m-kūkōp. <sup>3</sup> Amba mē un hōge o-gyer taase rii-yo kōre **Hawa** à, yo kōr nō. Hwō-o rakstē wū un weer-se un yo har wū nomū **ur-ba'as**. Kaane nō ma, mē un hōge o-gyer barag-ūs nō a hoks nō m-muut ba ur-bōn, un kaane, nōa kum ya'as ur-hi bō a cōņe, o-nip nē ba m-kūkōp be-ur **Kiristi** á.\* <sup>4</sup> Nō m-gōks un yē rō m-habē be un nō à ba m-rem. Nō bupse yoos-de un yē un Yeso, kō de nomtē de rō un hōn un de tē rurte

\* **Bōr-ūs op:17** 10:17 Hyen komo: Irmī 9:24.

\* **Bōr-ūs op o-gaan:3** 11:3 Hyen komo: Taka 3:1-5,13.

**Ma-to m-Rerem** à. Nò bupse go un kukt-o ye ruru nò à, kò de nomte ka **Kukt-o Shir** o nò ro gokste o á. Nò goks ye kò ne ma-to rerem-to un ye á. <sup>5</sup> Me dek unze ka ye nò m-zee, “Caari-ne ye un **yan-Tom Yeso**” à, ye aragte me un yo ken rii-yo á. <sup>6</sup> Me ko-kyangan-wu ut-ma wu á, amba me us-nap ne. Te kutute nò yo ka cas cas un kò yo ke còw-yo.

<sup>7</sup> ¿Ba'as-de me gweregse hi un de remen a jaksté nò be-de un kò'ot un **Ma-to m-Rerem** to Shir m-yar? <sup>8</sup> Um rumsunte hwor o ka be-de un ye ken yan-dor ye Shir ye remen um nomot senge-m re be un nò. <sup>9</sup> Da-o um ro be un nò à, mett hwor á. Myet un kaane ne me sawsu nò us-nu ka da-o á. Or na yan-dor ye ro n-me un dak-o o-Makidoniya à ye hante kap yo me m-con à. Me sawsu nò us-nu ka da-o á, komo man senge-m nom un kaane.† <sup>10</sup> Nip-o **Kiristi** o ro be un de à, o rwo'u me m-zet net ro kon wu woo wu wenet me uku o-cin un myet dak-o o-Akaya á. <sup>11</sup> ¿Ya rwo'u me m-zee kaane? ¿Remen me nò m-con o á? Ay, Shir nak unze um conog nò! <sup>12</sup> Man he co n-me un yo me m-nom à, un yage un goks un gwu-o un hwor be-ur nò, remen um wenet ka “Caari-ye un **yan-Tom Yeso** ye” uku o-cin unze, ye ma ye ro m-senge hond hond un te ne. <sup>13</sup> Go un ka hun-ne ye ba **yan-Tom Yeso** ye o-nip ye á, amba yan-senge-mo ut-bo ye. Ye ro un muut un hi un de un ye yan-Tom **Kiristi**. <sup>14</sup> Ba rii-yo ut-hyat yo á, remen **ko-Gwomo-wu un ya-ut-kot** ma un cen wu ro m-muut un hi un de un wu

---

† **Bor-us op o-gaan:9** 11:9 Hyen komo: Piri 4:15-18.

untun **wan-tom-wu Shir** wu m-cucas. <sup>15</sup> Remen kaane ba rii-yo ut-hyat yo á urege guw-ne ye un wu ye musste hi un de un ye untun yan-kashi m-senge mo Shir. Ur-kom yea kum ur-'yons de nome hond hond un ye ne à.

*Koob-de Burus swo à n-me  
un senge-mo un wu*

<sup>16</sup> Um ja'aste m-zee, taase wu ken wu zee me ko-raag-wu. Amba no deke unze kaane o, to, no ho'os ur-hur un me ne untun ko-raag, remen me ma um kumut rii-yo uku o-cin hiin. <sup>17</sup> Go un ka uku cin-o me m-nom à, ba Wan-Koyan wu zee um zee kaane á. Ay, un ka ma-to, men uk o-cin untun ko-raag. <sup>18</sup> Ye ken ye ro kon yan-uku-cin bo yan-hono-o-dak ro m-nom à, me ma yage um nomot kaane. <sup>19</sup> Bo no us-barag à, no m-hyan no us-weer ne deen, zak-o-zak no m-dugune un raag-ne ne! <sup>20</sup> Remen urege wu ken wu rwo'og no m-guw, no m-dugune un wu ne, ko wu rumse no rii, ko wu re ra-o no, ko wu kutu no m-'wons, wu ken no o-raag. <sup>21</sup> Me m-hoge m-'e um zet koob-de un 'wons-m te o hante te nomte ka remse á!

Amba urege wu ken wu ro un uku o-cin, remen yo ken rii-yo, ko me man nom jaab-o ut-men um uku o-cin, amba me ut-ma kaane untun ko-raag. <sup>22</sup> Urege ye **Yahuda**-ne ye, me ma ko-**Yahuda**-wu. Urege ne **Isra**-ne ye, me ma ko-**Isra** um ro. Urege ne yan-baag-o **Ibrahi** ye, me ma ko-yan-baag-o **Ibrahi** um ro. <sup>23</sup> Urege yan-senge-m **Kiristi** ye, um aragte ye! (Me ut-ma sa o zee net-wu ro o-zungo à!) Ai, um aragte ye m-senge o-nip, swo m-geeg o ka, um swoog m-dum

deen, ʉm swoog m-cow o-darem o m-mar deen.‡  
24 So o-taan **Yahuda**-ne bu'u me ʉs-sorog kwooz-  
ʉt yoor ba o-gaan [39].§ 25 O-tet yan-piish ʉt-ma  
ye ʉn **Roma**-ne nomu me ʉs-sorog. A jirig me ʉt-  
ta'ar so o-gaan. So o-tet hat-to m-ho caate ʉn me  
ne n-me m-sa. Komo ʉm taaste ʉr-ho ʉm rewe n-  
me m-sa rii-yo a guut me.\* 26 Ko o ke da-o me ʉr-  
hew. ʉm gontute o-darem n-me ʉt-roog, o-darem  
ʉn kom-to ʉn ya-ʉr-kwup. O-darem ʉn kom-to  
ʉn ye ro yan-dak-o re à, o-darem be-de ʉn ye ro  
**Yahuda**-ne á, o-darem n-me o-bo, o-darem n-me  
o-kot, o-darem n-me m-sa, komo o-darem be-de  
ʉn or re ne yan-dor ye ʉt-bo.† 27 ʉm swoog o-  
darem, ʉr-koob ne, ʉn koob-de m-rew, ʉn mer  
ne, o-swoot o m-ho ne. Ba o-gaan á ʉm taage  
rii-yo m-re, ʉm swoog o-huw, ʉm taage ʉn cop-o  
m-cop. 28 Se ken rem-se ʉt-moor ne se ʉm taage  
à komo, ko de ke ho-de me ʉn nu-se ʉn yan-dor  
ye Shir ne kap. 29 ʉrege wu ken wu taagute m-  
'wons me m-hyan sa o zee me wu taage m-'wons.  
ʉrege komo a rwog wu ken wu ʉr-he n-me **ur-  
ba'as**, yo ka yo ro me rees ʉs-ryaab deen.

30 ʉrege se ʉm uk o-cin, man uku o-cin be-de  
ʉm hyane ʉm kendete à. 31 Shir o-Tato o ʉn Wan-  
Koyan Yeso, wu a he m-bom ba m-ta à, nepse  
ʉnze ba bo-to ʉm rotte á. 32 N-me o-Damaskus,  
ko-gwamna-wu ro ʉn kus-o ʉn ko-Gwomo Aretas  
à wu sanag ish-ye ʉn bo-o o-Damaskus remen wu

---

‡ **Bor-ʉs op o-gaan:23** 11:23 Hyen komo: Seng 16:23.

§ **Bor-ʉs op o-gaan:24** 11:24 Hyen komo: Kara 25:3. \* **Bor-ʉs**

**op o-gaan:25** 11:25 Hyen komo: Seng 16:22; 14:19. † **Bor-ʉs**

**op o-gaan:26** 11:26 Hyen komo: Seng 9:23; 14:5.

shipt me. <sup>33</sup> Amba nay-ne re kyerguntu me n-me o-koor un jim-de o-bo un hek-de un wur-o o-bo, um possute wu.‡

## Bɔr-us op us-yoor

*Hyangan-to Yeso kute Burus  
n-te un m-bo à*

<sup>1</sup> Kɔ de nomte uku o-cin a 'ye rii á, man he co un uku o-cin. M-moka, man re co un rwor un rii-yo Wan-Koyan Yeso rwunte me cas untun m-bo ut-hyangan ne komo. <sup>2</sup> Um nak wu ken net-wu, wan-dor **Kiristi** caane hak-us op-us nass-se ka, se arge à, a deke wu ha-mo Ton-o atette-o be-de Shir ro à. Kɔ n-me o-wur o kɔ ba n-me o-wur á me nap á, Shir o cot nape. <sup>3</sup> Um nak ka net-wu, a un dek wu ha-mo un Ton-o atette-o, kɔ o-wur kɔ ba n-me o-wur á me nap á, Shir o cot nape. <sup>4</sup> Ree o wu hoge to ken ma-to to a hoks m-rwor á, go un to mat-de un net a hoks nom ut-ma un to á. <sup>5</sup> Man uku o-cin remen ka net-wu, amba man uku o-cin remen hi un de á, se de n-te un kende-m re. <sup>6</sup> Kɔ um uku o-cin, man warag ko-raag á, remen man ma'as un rwor o-nip. Amba man uku o-cin á, remen me con wu ken wu dek me arge bo wu ro me m-hyan á, un bo wu ro me m-hoge ne á.

<sup>7</sup> Taase um uku o-cin, remen ka rem-se ut-hyat se se um hyane à, se ur-beeb, a tomnu me o ken gom-o untun hoog-mo o-yokor o-wur. Yo ka yo un nom sa o zee wu **ko-Gwomo-wu un ya-ut-kot** tomne remen wu ye'et me ur-koob ba m-sok,

‡ **Bɔr-us op o-gaan:33** 11:32-33 Hyen komo: Seng 9:23-25.

komo remen mo wenet me uku o-cin à. <sup>8</sup> So o-tet um kone Wan-Koyan wu dossu me o un wur-o re. <sup>9</sup> Amba wu zeeru me, “Yar-m re bo'ossute wo, remen n-me kende-m ru o atte m-hyan un beeb un de.” Remen kaane man uku o-cin o-zak ne remen um kendute remen beeb-ur **Kiristi** kumut ur-she'et be un de. <sup>10</sup> Da-o hun-ne ye ro me ut-reeb, ko ye 'ye me ur-koob, ko ye rangse me, ko ye egnutu me ur-koob remen um dore **Kiristi** à, me m-nom o-zak. Me un zee kaane remen da-o me kende ka da-o o me un kum ur-beeb de rwuune be-de Shir à.

*Naase-mo un men-ut Burus remen yan-dor-ye Shir ye ro n-me o-Korinti à*

<sup>11</sup> Um nomog m-raag, amba no ye rwo'u me. No ye depe no bum me. Ka ye no aage “Caari-ye un **yan-Tom Yeso**” à, ye jiishe me á. Ko de nomte ba yo ken rii-yo um ro á. <sup>12</sup> Shir nomog rem-se o-made ut-hyat ne un me be un no. Ka rem-se kutu no unze **wan-Tom Yeso** um ro. <sup>13</sup> ¿N-te un yo ke bu-yo ne um kutu no unze no ur-hond un ye ken yan-dor ye Shir ne á? ¿Ko de remen me sawsu no nu-us re o á? Soksu me no ka **ba'as-de!**

<sup>14</sup> Me zongse um habute be un no o atette-o. Man ru'u no se ken nu-se á, remen no ye um cone, ba hwor no á. Remen udepe yakar-ye dek nu-se un tat un ye ne á se de tat-ne ye dek nu-se un yakar-ye un ye. <sup>15</sup> Man nom o-zak um hootu no kap yo ro me à, myet un hi un de ne. Urege um wastu no deen, ¿noa was me hiin ye á?  
<sup>16</sup> Noa su'e me unze me warag no o-caar o-suut

á. Amba wu ken wua zee me un nomo no us-weer, um hokstu no mosse ut-bo ne. <sup>17</sup> ¿Me un re ra-o no be-de un ka ye um tombe be un no? <sup>18</sup> Um konog Titus wu habe be-ur no, komo um tombute wu ken or te ko-yan-dor o Shir mosse un wu ne. ¿Noa zee o Titus reeg ra-o no? ¿Me un wu ne rii gaan-yo ka te m-nom á?

<sup>19</sup> No m-zee o ka da-o kap, senge-mo te rotte te ruute hi un te be-de geeg-ur no. Shir o ro te m-su'e, nip-o Shir o te m-rwor n-me un **Kiristi** à. Or re ne, te m-nom un koyan remen no doot m-'wons un sher-m no. <sup>20</sup> Me o-gyer taase da-o me habe um 'wos no bo um hwò o-sakto á, ko komo no hyen me bo no hwò o-sakto á. Me o-gyer o ut-ween, ur-shoob ne, us-ryaab ne, un con-to ur-hi ne, o-agegense ne, ut-reeb ne, un nu-mo ur-hi ne, o-da rem ne komo. <sup>21</sup> Me o-gyer unze me do m-habe komo, Shir a ru um hoge m-'e un co no. Me o-gyer taase men-ut re naase remen hun-ne deen ye ro un nom **ur-ba'as** n-ga à, ye waktune be-de Shir á, ye yage nomo o-ás un she'et-de un ba ur-bon ne de ur-gop ka rem-se ye ro m-nom à.

## Bɔr-us op us-tet

### *Nak ut-to*

<sup>1</sup> Me habe be-ur no m-moka, atette-o ka. Untun bo gen-mo un Ma-to Shir zee à, “A dek ko to ke ma-to un nu-o un nen yoor ko nen tet ye hyane yo nome à.”\* <sup>2</sup> Um be'este, um nekste no ut-to da-o um ro be-ur no habe-m ayoore-mo à. Um

\* **Bɔr-us op us-tet:1** 13:1 Hyen komo: Kara 17:6; 19:15.

doog nƳ nake Ƴt-tƳ m-mƳka me be-Ƴr nƳ á: Da-o me muube man kuse ka ye nƳme **Ƴr-ba'as** n-ga á ko ye ken ye. <sup>3</sup> Man kutu nƳ yo nƳ cone m-hyan à. NƳ nept Ƴnze **Kiristi** wu rƳ Ƴt-ma ba me á. Wu kende wu nomot Ƴn nƳ ne á. Wu rƳ Ƴr-beeb ne be-Ƴr nƳ. <sup>4</sup> Ko de nomte a Ƴn kam wu sa o zee wu rott Ƴr-beeb á, myet Ƴn kaane ne wu rƳ Ƴn hoog ne be-de Shir. Kang-o gaan, na yan-ba-Ƴr-beeb ye n-me Ƴn wu, amba Ƴn beeb-de Shir a she'et Ƴn wu ne remen a nomot m-senge rem nƳ. <sup>5</sup> Me'es nƳ hi Ƴn nƳ, nƳ gut remen nƳ nept ko nƳ be-de m-sher à. Ma'as nƳ me'es Ƴn hi Ƴn nƳ. ¿NƳ nap Ƴnze **Kiristi** Yeso wu rƳ be Ƴn nƳ á? O-nip wu rƳ kon be Ƴn nƳ, se de Ƴrege nƳ heeg be-de Ƴn ka me'es-de. <sup>6</sup> Um rwo'og Ƴr-hur nƳa nep Ƴnze te he á. <sup>7</sup> Te Ƴn kon-se Shir Ƴnze nƳa nom rii-yo ba Ƴr-bon á. Ba remen hun-ne hyenet Ƴnze te reeg Ƴr-hƳ á, amba remen nƳ nomot yo depe à ko de nomte hun-ne a hyen sa o zee te heeg. <sup>8</sup> Ƴrege nƳ m-nom ka rem-se se depe à, tea ja'as nƳ á. Tea hoks wen o-nip á, Ƴn suge-de Ƴn kaane ma, tea gu hun-ne she'et Ƴn bu-yo o-nip. <sup>9</sup> Zak-o te m-nom te ro ba Ƴr-beeb, amba nƳ ne nƳ Ƴr-beeb ne. Komo te Ƴs-kon be-de Shir remen nƳ bo'ossete shero shero Ƴn sher-m nƳ. <sup>10</sup> O hante um gendute nƳ se ka rem-se cin me be-Ƴr nƳ á. Me nom kaane remen da-o me habe, taase um kutu nƳ ryaab-Ƴs re, Ƴn gwomo-tƳ Wan-Koyan ya'u me à. TƳ m-'yonste nƳ tƳ ba tƳ m-kaps á.

### *Ma-tƳ Ƴr-kom*

<sup>11</sup> Or re ne, bo um komoste ka takurda-o, nom nƳ o-zak! Nom nƳ bo Ƴn nom-m nƳ, nƳ she'ete shiishe. Doo nƳ or nƳ ne jaab-o Ƴt-men, komo

she'et be-ur gaan un ye ne. Urege no nom kaane, ka Shir-o o ya'as no m-was, un gwugwu-mo urhur ne à, wu nom mosse un no ne.

<sup>12</sup> No gas or no ne hunhamat. <sup>13</sup> Kap yan-dor-ye Shir ro no ur-gas.

<sup>14</sup> Men kon-se Shir unze no nept unze yar-m Wan-Koyan Yeso **Kiristi**, con-mo rwuune be-de Shir, un morge-de un **Kukt-o Shir** ne, mo ro mosse un no ne kap!

## **ut-Hun New Testament**

### **Hun-Saare: ut-Hun New Testament New Testament**

copyright © 2017 Wycliffe Bible Translators, Inc.

Language: Hun-Saare

Contributor: WBT Central Zone

© 2017 Wycliffe Bible Translators, Inc. in cooperation with the Ut-Hun Bible Translation Project All rights reserved. The New Testament in ut-Hun (Eastern Dukawa)

All rights reserved.

2020-11-17

---

PDF generated using Haiola and XeLaTeX on 21 Feb 2024 from source files dated 29 Jan 2022

4b40cd80-7cb8-5d3d-8563-557f030f99d7